



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ვასაძე გიორგი აკაკის ძე

ვასაძე გიორგი აკაკის ძე (23. VII. 1919, თბილისი, – 23. VIII. 1969, იქვე), მსახიობი და რეჟისორი. საქართვე. ხელოვნ. დამს. მოღვაწე (1967), ა. ა. ვასაძის შვილი. 1941 დაამთავრა საქართვე. შოთა რუსთაველის სახ. თეატრ. ინ-ტის სამსახიობო ფაკ-ტი, 1948 – მოსკ. ლუნაჩარსკის სახ. სახელმწ. თეატრ. ინ-ტის სარეჟისორო ფაკ-ტი. 1941-44 მსახიობად მუშაობდა თბილ. რუსთაველის სახ. სახელმწ. აკად. თეატრში. 1948-53 იყო სოხუმის ქართ. დრამ. თეატრის, ხოლო 1954-55 – მოსკ. ლიტ.-დრამ. თეატრის რეჟისორი, 1958-61 მუშაობდა საქართვე. ფილარმონიაში (მთ. რეჟისორი). 1967-იდან სიცოცხლის ბოლომდე იყო ტელევიზიის მუს. გადაცემათა მთ. რეჟისორი. საუკეთესო დადგმები: ი. მოსაშვილის „ჩაძირული ქვები“ და „მისი ვარსკვლავი“, გ. მდივნის „ვარდო“, ა. ოსტროვსკის „უკანასკნელი მსხვერპლი“ (სოხუმის ქართ. დრამ. თეატრი), ბ. ლავრენიოვის „რღვევა“, გ. სუნდუკიანის „პეპო“ (ოზურგეთის თეატრი), ვ. დოლიძის ოპერა „ქეთო და კოტე“ (საქართვე. სახელმწ. ფილარმონია) და სხვ. ვ-ის მიერ შექმნილ იდეურად ღრმა და მაღალმხატვრულ სპექტაკლებს ამშვენებს მდიდარი რეჟისორული ფანტაზია.
